

Ilanngussaq 2, oqaasertaliussat oqaasertaliussanullu nassuiaatit

Allannguutissatut siunnersuummut naqqiut
Siunnersuut 11. november 2025-meersoq taarserneqarpoq (nal. 11:30 tunniussaq)
(Siunertamut kontumut 24.10 toqqaannartumik akileraarutit oqaasertaliussanik ilanngussineq)

**Ilanngussaq 2, AIS 2026-p pingajussaaneerneqarneranut atatillugu oqaasertaliussanut,
oqaasertaliussanullu nassuiaatinut AS:**

Aningaasaqarnermut Akileraartarnermullu Naalakkersuisoq – Suliassaqarfik 20 – 24

Nr. 157.

Konto pingaarnermut 20.05.20 Kommuninut ataatsimoortumik tapiissutit

Kontomut pingaarnermut uunga oqaasertaliussat tassungalu nassuiaatit peerneqarnissaat qinnutigineqarpoq. Konto pingaarnermut 30.10.37 Nuna tamakkerlugu meeqqanut inuusuttunullu paaqqinniffiit allannguutissatut siunnersuummut oqaasertaliussat assingi ivertinneqarnissaat qinnutigineqarpoq.

Nr. 158-mut

Konto pingaarnermut 24.01.01 Akileraartarnermut Aqutsisoqarfik, allaffissorneq

Oqaasertaliussat tuliuttut kontomut pingaarnermut uunga ivertinneqarnissaat qinnutigineqarpoq. Oqaasertaliussat ivertinneqarnissaannut qinnuteqarnermut tunngavilersuutitut, oqaasertaliussanut ukununga nassuiaatit innersuussutigineqarput:

”Nr. 2-mut.

Akileraartarnermut Aqutsisoqarfiup innuttaasunut suliffeqarfinnullu allakkanik il.il. nassitsinerata passunneqarnissaanut qarasaasiakkut atortorissaarummik (nassitsissummik) ineriartortitsinermik suliassamik sioqqutsisumik niuerfimmik paasiniaareernermit aaqqiissuteqarnissamullu neqeroorummik tiguserernermit Naalakkersuisut suliassamik tunniussisinnaanermik piginnaatinneqarput.”

Konto pingaarnermut 24.01.01 Akileraartarnermut Aqutsisoqarfik, allaffissorneq nassuiaatit

Oqaasertaliussamut nassuiaatit tuliuttut ivertinneqarnissaat qinnutigineqarpoq:

”Nr. 2-mut.

Oqaasertaliussat Naalakkersuisut v/Akileraartarnermut Aqutsisoqarfik qarasaasiamik atortorissaarummik (nassitsissummik), Akileraartarnermut Aqutsisoqarfiup allakkanik il.il. innuttaasunut suliffeqarfinnullu nassiusaanik passussisinnaasumik neriartortitsinermik aallartitsisinnaangortitsivoq.

Atortorissarutip allakkat arlallit il.il. ataatsikkut nassiunneqarlutillu Akileraartarnermut Aqutsisoqarfimmit ersarinnerusumik attaveqarsinnaanermik isumannaarissaaq. Innuttaasut suliffeqarfiillu upernaap ingerlanerani ilaatigut upernaakkut nammineerluni nalunaarsuiffinnik marlunnik aggstillu qaammataani ukiumut nalunaarsuutit sisamat eqikkarneqarnerisigut allakkanik il.il. ikinnerusunik tigusineq misigissavaat. Peqatigisaanik nassiusuinerit allat pappiaqqanik katitanik arlalinnik imaqtartillugit nassiunneqarnissaannut periarfissamik pilersitsisoqassaaq. Suliniut innuttaasunut suliffeqarfinnullu ataasiakkaanut paasiuminarnerulersitsillunilu Akileraartarnermut Aqutsisoqarfimmut aningaasaqarnikkut iluaqutsiissaaq.

Ilanngussaq 2, oqaasertaliussat oqaasertaliussanullu nassuiaatit

Nassitsissutip namminersorlutik oqartussani immikkoortut allat nassitsissummut ilanngunneqarnissaat siunertaralugu ineriartortinneqassasoq, Akileraartarnermut Aqutsisoqarfiup naatsorsuutigaa.

Piginnaatitsissut nalinginnaasumik Akileraartarnermut Aqutsisoqarfiup suliassamik qarasaasianik ineriartortitsivimmuk naleqquttunut, 2026-mi upernaakkut nammineerluni nalunaarsuiffimmut immersugassanik nassitsinissaq sioqqullugu nassitsissummik ineriartortitsinermik isumaginnissinnaasumut tunniussinissaanut atorneqassaaq. Qarasaasianik ineriartortitsiviup nunatsinni akileraartarnikkut aqqiissuussinermut qarasaasiakkut aqqiissutini ineriartortitsinermik misilittagaqarnermik misilittagaqareernek uppersarsassavaa. Akileraartarnermut Aqutsisoqarfiup niuerfik misissuiffigaa suliassamullu missingiummik akunnerit 5-600-t iluanni aqqiissusiornannaanermik takutitsisoq tiguaa. Suliassaq kingorna niuerfimmik oqaloqateqarneq tunuliaqutaralugu immikkoortumilu naapertuuttumik misilittagalimmik pilersuisumit aqqiissutissatut siunnersuummik tiguserneermi tunniunneqassaaq.

Oqaasertaliussaq nutaajuvoq.”

Nr. 159.

Konto pingaarnermut 24.06.14 Sulinermit ilanngaas

Oqaasertaliussat tulluuttut kontomut pingaarnermut uunga ivertinneqarnissaat qinnutigineqarpoq. Oqaasertaliussat ivertinneqarnissaannut qinnuteqarnermut tunngavilersuutitut, oqaasertaliussanut ukununga nassuiaatit innersuussutigineqarput:

”Aningaasarsianit akileraarutit pillugit Inatsisartut inatsisaanni § 38 c, imm. 2 aamma 3-mi, tak. Namminersorlutik Oqartussat inatsimmik nalunaarutaat nr. 62, 24. oktober 2025-meersoq, isertitat taaneqartut saniatigut, ukiumut isertitaqarfiusumut 2026-mut sulinermit ilanngaammuk naatsorsuinnermi akiliutit suliffissarsiornermi ikiorsiissutit pillugit Inatsisartut inatsisaat naapertorlugu tunniunneqartut isiginiarneqassanngillat.”

Konto pingaarnermut 24.06.14 Sulinermit ilanngaas nassuiaatit

Oqaasertaliussamut nassuiaatit tulluuttut ivertinneqarnissaat qinnutigineqarpoq:

”Oqaasertaliussani suliffissarsiornermi ikiorsiissutit pillugit Inatsisartut inatsisaat naapertorlugu ikiorsiissutit sulinermit ilanngaammuk isertitanut toqqammavimmuk ilaatinneqannginnissaannik siunertaqarpoq.

Sulinermit ilanngaas aningaasarsianit akileraarutit pillugit Inatsisartut inatsisaat, tak. Namminersorlutik Oqartussat inatsimmik nalunaarutaat nr. 62, 24. oktober 2025-meersoq, naapertorlugu naatsorsorneqartarpoq. Ikiorsiissutit suliffissarsiornermi ikiorsiissutit pillugit Inatsisartut inatsisaat naapertorlugu tunniunneqartut, A-tut isertitaanerak, sulinermit ilanngaammi isertitatut toqqammavimmuk ilaatitsinnginnermi ilaannginnertik pissutigalugu isertitatut toqqammavimmuk ilaapput.

Sulinermit ilanngaas suliffeqarnissamik pilerilersitsinissamik siunertaqarpoq. Suliffissarsiornermut ikiorsiissutini, suliffissaaleqinerup nalaani tunniunneqartartunik sulinermit ilanngaammik akiliisoqartarnera, sulinermit ilanngaammi siunertamut akerliuvoq. Assersuutigalugu pisortanit

Ilanngussaq 2, oqaasertaliussat oqaasertaliussanullu nassuiaatit

ikiorsiissutininik, ilinniarnersiutininik utoqqalinermilu soraarnerussutisianik akiliutit isertitanut toqqammavimmut ilaatinneqanngillat.

Inatsisissatut siunnersuummik isertitanut toqqammavimmi allannguutininik atuuttuartsisunngortumik saqqummiussisoqarnissaa naatsorsuutigineqarpoq, taassumalu 2026-mi saqqummiunneqarnissaa ilimagineqarpoq.

Oqaasertaliussaq nutaajuvoq.”

Nr. 160

Siunertamut kontumut 24.10 Toqqaannartumik akileraarutit

Oqaasertaliussaq nr. 6 tulluuttoq siunertamut kontumut uunga ivertinneqassasoq qinnutigineqarpoq. Oqaasertaliussat ivertinneqarnissaannut qinnuteqarnermut tunngavilersuutitut, oqaasertaliussanut ukununga nassuiaatit innersuussutigineqarput::

”

Nr. 6

Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni § 7, imm. 3-6 2026-mi atuutissanngillat.

Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni § 2, imm. 4 apeqqutaatinnagu inatsimmi § 2, imm. 1-4-mi akiliutit tjenestemandip 2026-mi atorfeqarnermini akissarsiarisai ilaatinneqarput.

Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni § 3, imm. 1 apeqqutaatinnagu, ullorsiutit malillugit ukiumi 2026-mi ileqqaarutissatut procenti 9 procentiuvoq.”

Siunertamut kontumut 24.10 Toqqaannartumik akileraarutit

Oqaasertaliussamut nassuiaatit tulluuttut ivertinneqarnissaat qinnutigineqarpoq:

”Nr. 6-mut.

Inatsisissatut siunnersuutip Inatsisartut ukiakkut ataatsimiinnerani imm. 12-tut suliarineqartup sunniutaasa naammassineqarnissaat oqaasertaliussani siunertaavoq. Oqaasertaliussat inatsisissatut siunnersuutip akuerineqarneranut atatillugu atorunnaarnissaat ilimagineqarpoq.

Ingammik 2026-mi akileraartarnermut ingerlatsiviup akileraartarnermi allagartamik ilaassutitalimmik tunniussinermini imaluunniit akileraarutitut B-nut akiligassanut ilassutitalimmik nassiussinermini, ileqqaagassarititaasunik naammassineqanngitsunik akiliisitsisarnerata unitsikkallarnissaa siunertaavoq. Taamaalluni soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat, tak. inatsit pillugu nalunaarut nr. 67 25. september 2025-meersoq, malillugu ileqqaarneqartussaataasut naammassineqanngitsut akilersinneqartarnerat 2026-mi atuuttunngortillugu atorunnaarsinneqarpoq.

Taamattaq inatsisissatut siunnersuutip allannguutai allat ulloq 1. januar 2026 aallarnerfigalugu atulersinneqarput. Assersuutigalugu tjenestemandinut ileqqaartussaataaneq annikillisinneqarpoq. Taamaalluni 2026-mi akiliutit tamaasa, tjenestemandip atorfeqarnermini aningaasarsiai isiginiarneqassanngillat, tassani akiliutit soraarnerussutisiaqalissutaanngitsut ilanngullugit.

Ilanngussaq 2, oqaasertaliussat oqaasertaliussanullu nassuiaatit

Taamattaaq aningaasarsiaqarlutik sulisartunut procenti ileqqaagassarititaasoq 2026-mi 9 procentinut aalajangersarneqarpoq.

Oqaasertaliussaq nutaajuvoq.”

Nr. 161.

Kontomut pingaarnermut 24.11.27 Aalisarnermi pisuussutini iluaquteqarnermi akitsuutit

Oqaasertaliussat tulluuttut kontomut pingaarnermut uunga ivertinneqarnissaat qinnutigineqarpoq. Oqaasertaliussat ivertinneqarnissaannut qinnuteqarnermut tunngavilersuutitut, oqaasertaliussanut ukununga nassuiaatit innersuussutigineqarput:

” Nr. 1.

Angallatit 6 meterimit t.a. anginerusut umiatsiaaqqallu sinerissap qanittuani saarullinniarsinnaanermut akuersissutillit, avataasiorluni saarullinniarnermi pisarineqartuni Kalaallit Nunaanni aalisarnermi pisarineqartut isumalluutini atuinnermut akitsuutaat pillugit Inatsisartut inatsisaanni § 3, imm. 1 malillugu 2026-mi saarullittaminut akitsuutitut akiliinissamut ilaatinneqassanngillat.

Oqaasertaliussami akitsuummumut ilaatitsinnginneq immikkut saarullittanut 3 sœmilimik killeqarfiup avataani (avataasiorlunut piffik) aalisarneqartunut, 2026-milu sinerissap qanittuani saarullinniutitut tunniunneqartunut taamaallaat attuuppoq.”

Kontomut pingaarnermut 24.11.27 Aalisarnermi pisuussutini iluaquteqarnermi akitsuutit nassuiaatit

Oqaasertaliussamut nassuiaatit tulluuttut ivertinneqarnissaat qinnutigineqarpoq:

” Nr. 1-imut.

Unammilligassat arlallit sinerissap qanittuani angallatit 6 meterinit anginerusut ineriartornerannik killiliipput. Tassunga atatillugu KNAPK-p, QAK-p Royal Greenland A/S-llu inassuteqarnerisigut Naalakkersuisut 2026-mi 3 sœmilip avataani immikkut pisassiissutini, sinerissap qanittuani aalisariutitut pioresunit aalisarneqarsinnaasunik pilersitsinermik suliaqarnermik aallartitsipput.

Aalisarnermut inatsit malillugu 3 sœmilip aataani saarullinniarluni aalisarneq avataasiorluni aalisarneruvoq. Kalaallit Nunaanni aalisarnermi pisarineqartut isumalluutini atuinnermut akitsuutaat pillugit Inatsisartut inatsisaanni § 3, imm. 1, malillugu avataasiorluni saarullinniarneq isumalluutini atuinnermut akitsuusigaavoq. Sinerissap qanittuani saarullinniarneq, aalisarnerup 3 sœmilimik killeqarfiup iluani ingerlanneqarnerani tassannga akitsuusigaanngilaq. Naak 3 sœmilip avataani avataasiorlunut immikkoortumi immikkut pisassiissutini pilersitsisoqaraluartoq, tamatuma nangingneqarnissaa kissaatiginartuuvoq. Pisassiissutit sinerissap qanittuani aalisariutit aalisarnerisa isertitaasalu ineriartortinnissaat ikorfartorniartugit pilersinneqarput. Taamaammat avataasiorluni aalisarnerup ilaatigut inuttaqarniarnikkut ineriartortitsinermilu aningaasalersuinnermik unammilligassaqarnerani, akitsuummik akiliisitsinissaq siunertamut iluaqutaasutut isigineqanngilaq.

Taamattaarli matuma ilaatitsinnginnerup sivisunerusumik atuutsinnissaa aamma kissaatiginartuunngilaq, tamanna aamma naligiimmik pinninneq eqqarsaatigalugu. Taamaammat Aalisarnermut, Piniarnermut, Nunalerinnermut Imminullu Pilersornermut Naalakkersuisoqarfik aalisarnermik inuussutissarsiortut suleqatigalugit saarullinniarluni aalisarnermi aalisarfinnik

Ilanngussaq 2, oqaasertaliussat oqaasertaliussanullu nassuiaatit

nutarterinissamik suliaqarpoq, taannalu 2026-p naannginnerani aqutsinermut pilersaarummut ilanngunneqartussatut naatsorsuutigineqarpoq.

Oqaatigineqareersutut pisassiissutit immikkut pisassiissutaassapput nalinginnaasumik avataasiorluni saarullinniarnermi immikkoortillugit pilersinneqartut. Taamaalilluni immikkut pisassiissutit 2026-mi saarullinnut akitsuutitut missingersuutitut ilaatinneqanngillat. Tamanna tunuliaqutaralugu oqaasertaliussap malitsigisaanik 2026-mi avataasiorluni saarullinniarnermi aningaasanut inatsimmi missingiussamut aningaasatigut allannguutaanissaa ilimagineqanngilaq.

Oqaasertaliussaq nutaajuvoq.”

Nr. 162.

Kontomut pingaarnermut 24.11.27 Aalisarnermi pisuussutiniq iluaqutegarnermi akitsuutit

Oqaasertaliussaq nr. 2 manna konto pingaarnermut matumunnga ilanngunneqassasoq qinnutigineqarpoq. Oqaasertaliussap ilanngunneqarnissaata qinnutigineqarneranut tunngavilersuummut, oqaasertaliussamut matumunnga nassuiaatit innersuussutigineqarput:

”Nr. 2-mut

Suliffeqarfiit inuillu Kalaallit Nunaata aalisarnikkut oqartussaaffigisaani, nunaq allat aalisarnikkut oqartussaaffigisaanni imaluunniit nunat tamalaat imartaanni avataasiorlutik aalisarnissamut imaluunniit sinerissap qanittuani aalisarnissamut pisassinneqarsimasut, pisinnaatitsissummik akuersissutaateqartut imaluunniit akuersissummik peqartut, suliffeqarfinnut inunnullu aalisarnermi pisarineqartut isumalluutiniq atuinnermut akitsuutaat pillugit Inatsisartut inatsisaat nr. 46, 23. november 2017-imeersumi § 1 naaportorlugu akitsuuserneqartussaataaangitsunut, pisassiissutit, akuersissutit pisinnaatitsissutit imaluunniit akuersissutit kalaallit oqartussaasuinit tunniunneqarsimasut tunngavigalugit aalisarnissaq pillugu isumaqatigiissuteqartut, Nunatta Karsianut akitsuummik tapiliussamik akiliissapput.

Suliffeqarfiit inuillu Kalaallit Nunaata aalisarnikkut oqartussaaffigisaani, nunaq allat aalisarnikkut oqartussaaffigisaanni imaluunniit nunat tamalaat imartaanni avataasiorlutik aalisarnissamut pisassinneqarsimasut, pisinnaatitsissummik akuersissutaateqartut imaluunniit akuersissummik peqartut, avataasiorluni aalisarnissamut imaluunniit raajarniarluni sinerissap qanittuani aalisarnissamut pisassiissutai, pisinnaatitsissummik akuersissutaatai imaluunniit akuersissutai isumaqatigiissummi pineqartunut ilaatinneqalerpat, akitsuuserneqartussaataaapput aammalu aalisarnermi pisarineqartut isumalluutiniq atuinnermut akitsuutaat pillugit Inatsisartut inatsisaat nr. 46, 23. november 2017-imeersumi § 13-imi maleruagassat malillugit akileraaruseriffimmut akiligassai akilernerqassallutik.

Akitsuuserneqartussaataaneq angallatit suliffeqarfinnit inunnullu Kalaallit Nunaata aalisarnikkut oqartussaaffigisaani, nunat allat aalisarnikkut oqartussaaffigisaanni imaluunniit nunat tamalaat imartaanni avataasiorlutik aalisarnissamut pisassinneqarsimasut, pisinnaatitsissummik akuersissutaateqartut imaluunniit akuersissummik peqartut pigineqartut imaluunniit bareboat atorlugu attartorneqarsimasut atorlugit aalisarnermut imaluunniit Naalakkersuisut aamma nunami namminermi imaluunniit nunap qullersaani oqartussat akornanni aalisarnermut isumaqatigiissutit naaportorlugit Kalaallit Nunaata aalisarnikkut oqartussaaffigisaani aalisarnermut atuutinngilaq.

Qaammatini pingasuni ilassutitut akitsuut, qaammatini pingasuni, qaammatit pingasut aalisakkamik pineqartumik avammut nioqquteqarfiusimasut imaluunniit tunisivigineqarsimasut sioqqullugit

Ilanngussaq 2, oqaasertaliussat oqaasertaliussanullu nassuiaatit

qaammatikkaat marluk sioqqullugit inissisimasuni agguaqatigiissillugu akigititaq 30 procentinik amerlisarlugu (aningsarsianut aningsartuutissat missiliorneqartut) 43 procentinik amerlisarlugu (akileraarummut annertussusissaliussaq agguaqatigiissillugu) annertussuseqarpoq. Ilassutitut akitsuut avammut nioqqutigineqartunut imaluunniit tunineqartunut kg.-imut akilersinneqartassaaq.”

Konto pingaarnermut 24.11.27 Aalisarnermi pisuussutini iluaquteqarnermi akitsuutit nassuiaatit

Oqaasertaliussamut nassuiaatit makkua ilanngunneqarnissaat qinnutigineqarpoq:

”Nr. 2-mut

Suliffeqarfiit inuillu Kalaallit Nunaata aalisarnikkut oqartussaaffigisaani, nunaq allat aalisarnikkut oqartussaaffigisaanni imaluunniit nunat tamalaat imartaanni avataasiorlutik aalisarnissamut imaluunniit sinerissap qanittuani aalisarnissamut pisassinneqarsimasut, pisinnaatitsissummik akuersissutaateqartut imaluunniit akuersissummik peqartut, aalisarneq (ilaa) aalisariutinit nunanit allaneersunit (Kalaallit Nunaanneersuunngitsunit) nunani allamiunik inuttaqartunit (inuit Kalaallit Nunaanni najugaqartuunngitsut) ingerlanneqassasoq pillugu isumaqatigiissuteqarlutik pisoqartillugu, Kalaallit Nunaata inuttanik akileraarusiinnissamut periarfissaq annaasarpaa. Taamaattunik isumaqatigiissuteqarneq taamaalilluni akileraarutitigut iluanaarutissat apparnerannik malitseqartussaavoq.

Taamatut apparnissaat taarteqartinniarlugu siunnersuutigineqarpoq suliffeqarfiit aamma inuit aalisariutini nunanit allaneersunik, nunanit allaneersunik inuttaqartunik, atuinissaq pillugu isumaqatigiissuteqartut, tapiliussamik akitsuummik akileeqquneqartassasut. Taamaalilluni illersuutissaq, akileraarutinit tunngavissamik illersuinnissamik siunertaqartoq, tassani pineqarpoq.

Ilassutitut akitsuut kg.-imut kr.-ngorlugu aalisakkap pineqartup avammut nioqqutigineqarnerani imaluunniit tunineqarnerani agguaqatigiissillugu akigititaq 30 procentinik amerlisarlugu 43 procentinik amerlisarlugu, annertussuseqarpoq. Ilassutitut akitsuut avammut nioqquteqarnermi imaluunniit tunisinermi kg.-imut akilersinneqartassaaq.

Aalisakkamik avammut nioqquteqarnermi imaluunniit tunisinermi agguaqatigiissillugu akigititaq, aalisarnermi pisarineqartut isumalluutini atuinermut akitsuutaat pillugit Inatsisartut inatsisaat nr. 46, 23. november 2017-imeersumi § 6, imm. 1-imut tunngatillugu naatsorsorneqartarnerattut aammalu tunngavissat taamaaqatai tunngavigalugit naatsorsorneqassaaq. Akigititaq 30 procentinik amerlisarneqassaaq, tamannalu misilittakkat malillugit aalisarnermi inuttanut il.il. aningsarsianut agguaqatigiissillugu aningsartuutit annertoqqatigaat. Aningsartai tamatuma kingorna 43 procentinik amerlisarneqassapput, Kalaallit Nunaanni agguaqatigiissillugu akileraarusiinnermi procentiliussamut naapertuuttumik. Agguaqatigiissillugu akigititaq assersuutigalugu kg.-imut 40 kr.-uppat, tapiliussaq 40 kr. x 30 pct. x 43 pct. = kg.-imut 5,16 kr.-ussaaq.

Aalisariutit suliffeqarfinnit inunnillu Kalaallit Nunaata aalisarnikkut oqartussaaffigisaani, nunat allat aalisarnikkut oqartussaaffigisaanni imaluunniit nunat tamalaat imartaanni avataasiorlutik aalisarnissamut pisassinneqarsimasunit, pisinnaatitsissummik akuersissutaateqartunit imaluunniit akuersissummik peqartunit pigineqarlutik imaluunniit bareboat atorlugu attartorneqarsimallutik pisoqartillugu imaluunniit Naalakkersuisut aamma nunami namminermi imaluunniit nunap qullersaani oqartussat akornanni aalisarnermut isumaqatigiissutit naapertorlugit Kalaallit Nunaata aalisarnikkut oqartussaaffigisaani aalisarnermut, oqaasertaliussaq atuutinngilaq.

Ilanngussaq 2, oqaasertaliussat oqaasertaliussanullu nassuiaatit

Bareboat atorlugu attartorneq tassaavoq angallammik inuttaqanngitsumik, ikummatissaqanngitsumik imaluunniit pilersorneqanngitsumik attartornissaq pillugu isumaqatigiissut, tassani attartortup umiarsuup ingerlanneqarneranut akisussaaffik tamaat tigusalugu, ilanngullugit inuttat, ikummatissaq, sillimmasiissut aserfallatsaaliuinerlu. Attartortoq tamanut akisussaasuvoq, inuttassanik sulisussarsiornermiit ikummatissamik, sillimmasiinnermut, ingerlaarnissamut, pitussimanissamik aserfallatsaaliuinnermillu isumaginninnissamut. Attartornermi ilaatinneqarpoq angallat naalagaqanngitsoq imaluunniit inuttaqanngitsoq. Niuernermik tunngavilimmik umiarsuarmik angallannermi bareboat atorlugu attartorneq leasingimi isumaqatigiissutitut atorneqartarpoq aammalu attartortup umiarsuaq taassumalu ingerlanneqarnera tamakkiisumik nakkutigisussaasarlugu.

Suliffeqarfinnit inunnillu Kalaallit Nunaata aalisarnikkut oqartussaaffigisaani, nunat allat aalisarnikkut oqartussaaffigisaanni imaluunniit nunat tamalaat imartaanni avataasiorlutik aalisarnissamut pisassinneqarsimasunit, pisinnaatitsissummik akuersissutaateqartunit imaluunniit akuersissummik peqartunit, raajarniarluni avataasiorluni aalisarnissamut imaluunniit sinerissap qanittuani aalisarnissamut pisassinneqarnerat, pisinnaatitsissutitut akuersissutaataat imaluunniit akuersissutaataat aalisarnermi pisarineqartut isumalluutinik atuinermut akitsuutaat pillugit Inatsisartut inatsisaat nr. 46, 23. november 2017-imeersumi § 13-imi maleruagassat malillugit isumaqatigiissutini pineqartuni ilaatinneqarpata aammalu akileraaruseriffimmut akiligassamik akiliisarlutik, tapiliussatut akitsuut akilerneqassaaq.

Oqaasertaliussaq nutaajuvoq.”

Meeqqanut, Inuusuttunut Ilaqutariinnullu Naalakkersuisoq – Suliassaqarfik 30

Nr. 163.

Kontomut pingaarnermut 30.10.37 Nuna tamakkerlugu meeqqanut inuusuttunullu ulloq unnuarlu paaqqinnittarfiit

Oqaasertaliussaq nr. 5 tulliuuttoq kontomut pingaarnermut uunga ivertinneqassasoq qinnutigineqarpoq:

”Nr. 5.

Meeqqanut inuusuttunullu immikkoortumi ulloq unnuarlu paaqqinnittarfinnut kommunit ullormut unnuamullu akiliutaannik Naalakkersuisut aalajangersaanissamut piginnaatinneqarput.”

Kontomut pingaarnermut 30.10.37 Nuna tamakkerlugu meeqqanut inuusuttunullu ulloq unnuarlu paaqqinnittarfiit nassuiaatit

Oqaasertaliussamut nassuiaatit tulliuuttut ivertinneqarnissaat qinnutigineqarpoq:

”Nr. 5-imut.

Naalakkersuisut ullormut unnuamullu akigititanik aalajangersaanissamik kissaateqarpata, tassani ullormut unnuamullu akigititat annertunerpaaffiat ilanngullugu, ulloq unnuarlu paaqqinnittarfirmut imminut pigisumut inissiinernut taakku Akigititanut allattuffimmi – Isumaginninnermi akigititani takuneqarsinnaassapput. Taamattaq akigititat ukiumoortumik nalimmassarneqartassapput, taamaalillutik ulloq unnuarlu angerlarsimaffinni namminersorlutik oqartussanit pigineqartuni akigititat annertussusaannik malinnittunngorlugit. Oqaasertaliussami uani aalajangersakkat Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik

Ilanngussaq 2, oqaasertaliussat oqaasertaliussanullu nassuiaatit

Oqartussat nalunaarutaannut ilanngunneqassapput. Nalunaarutip 2026-mi februaarimi marsimiluunniit atulersinneqarnissaa naatsorsuutigineqarpoq, immikkoortumilu aningaasartuutini misissueqqissaarnermik manna ingerlasumik aallaaveqassalluni.

Oqaasertaliussaq nutaajuvoq.”

Isumaginninnermut, Suliffeqarnermut, Nunamut Namminermut Avatangiisinullu Naalakkersuisoq – Suliassaqarfik 31

Nr. 164.

Suliassaqarfimmu 31-mut, Isumaginninnermut, Suliffeqarnermut Nunamullu Namminermut Naalakkersuisoqarfik

Kommuninik ataatsimut tapiissutiniq isumaqatiginninniarluni kissaatit saqqummiunneqartut naapertorlugit oqaasertaliussaq nr. 3 peerneqarpoq tulluuttumillu taarserneqarluni:

”Nr. 3.

Suliffissarsiortunut ikiorsiissutit pillugit Inatsisartut inatsisaanni § 17 naapertorlugu killilersuutit saniatigut kommunalbestyrelse suliffissarsiortunut ikiorsiissutit ikilisinneqarnissaannik imaluunniit tunniunneqartarunnaarallarnissaannik aalajangiisinnaavoq, inatsimmi tassani kapitel 4-mi allassimasut naapertorlugit inuk ersittumik tunngavissaqaranilu suliffissarsiortutut pisussaaffimminik naammassinninngippat, matumani suliffimmik innersuunneqartumik utikattumik naapertuutinningsumillu itigartitsinerit ilaapput. Taama pisoqarnerani ikiorsiissutit tunniunneqartarunnaarsinnaapput.”

Suliassaqarfimmu 31-mut, Isumaginninnermut, Suliffeqarnermut Nunamullu Namminermut Naalakkersuisoqarfik, nassuiaatit

Oqaasertaliussaq 3-mut nassuiaatit peerneqarput imalu taarserneqarlutik. AIS2026-mut tunngatillugu imm. 3-mi ima allannguisoqarpoq:

”Nr. 3.

Oqaasertaliussaq taanna atorlugu kommunalbestyrelsit piffissami ikaarsaarfiusumi inuk Suliffissarsiortunut ikiorsiissutit pillugit Inatsisartut inatsisaanni nr. 7, 20. juni 2022-meersumi, kingusinnerusukkut allanngortinneqartut ilanngullugit, §§ 6-13-imut allassimasut naapertorlugit suliffissarsiortutut erseqqissumik iliuuseqarusunneq ajortoq pillugu kinguneqarsinnaasumik iliuuseqarsinnaapput.

Inatsit atuuttoq naapertorlugu kommunalbestyrelse ikiorsiissutit tunniunneqartarnerisa killilersuiffigineqarnissaat aamma sapaatip akunnerini sisamani 50 pct.-imik ikilisinneqarnerinik killilersuisinnaavoq (§ 17), piviusumili eqaannerusumik iliuuseqarfissat erseqqissuuppata aamma eqaanneruppata pisariaqarsinnaavoq, ingammik utikattumik ersittumillu suliffissarsiortutut pisussaaffiit pineqartillugit – soorlu innuttaasoq nakorsamit uppersaateqarani aamma suliatigut tunngavissaqarani, suliffimmu innersuunneqartumut sulilerusunnigippat, oqaloqatigiinnernut takkunneq ajorpat imaluunniit sulilersinneqarnissaminut tunngavissaqanngilluinnarluni itigartitsisarpat.

Taama pisoqarnerani oqaasertaliussat taamaalillutik suliffissarsiortunut ikiorsiissutit tunniunneqanngivissinnaapput.

Ilanngussaq 2, oqaasertaliussat oqaasertaliussanullu nassuiaatit

Aaqqiissut utaqqiisaasumik atuuppoq aamma suliffissarsiortut ikiorsiissutaasa ataavartumik killilersuiffiqineqartarnerannik aaqqiissutip akuerineqarnissaata tungaanut atuulluni. Aaqqiissummik taamaattumik ataatsimik suliaqartoqarpoq, taannalu Inatsisartut upernaakkut 2026-mi ataatsimiinneranni suliarineqartussatut kingusinnerusukkullu atuutilersussatut saqqummiussisoqassaaq.

Oqaasertaliineq atorlugu kommunalbestyrelsip inatsisinik aallaaveqarluni ingerlatsinermi tunngavigineqartut nalinginnaasut malinnaavigissavai, matumani suliat, uppersaatit ataasiakkaanillu nalilersuinerit pisussaaffittut aalajangiiffeqartarneri ilanngullugit. Nammineersumik imaluunniit immersugassat tunngavilersuutitut atuutilersitsinerit, taamaalillutik atorneqaqqusaassanngillat aamma innuttaasup sutigit tamatigit pissutsit atugaasa aalajangersimasumik nalilersorneqarnerisa kingorna aalajangiisoqartassaaq, matumani inuttut, peqqissutsikkut imaluunniit ilaqutariissutsikkut pissutsit aningaasaateqarnissamut pingaarnertut malittarisassat allanngortitsisinnaasut tunngavilersuutigineqarneri ilanngullugit.

Aalajangiinerup paasissutissartaani paasissutissat sorliit ilaatinneqarnersut takuneqarsinnaassapput. Tassunga atasumik innuttaasup oqaaseqarnissaminik periarfissaqartinneqarsimanera (illuatungerisamik tusarniaaneq) kommunip qulakkeertussaavaa, pisortat ingerlatsineranni suliaasat suliarineqartarnerat pillugu Inatsisartut inatsisaat takuuk aamma aalajangerneq erseqqissumik paatsuugassaannngitsumillu tunngavilersuummik ilaqassaaq.

Taamaalilluni aalajangiineq allaganngorlugu suliarineqassaaq, imatut taanna Isumaginninnermut Maalaaruteqartarfimmut naammagittaalliutip suliarineqaratarsinnaanerani tunngaviusinnaalluni, Inatsisartut inatsisaanni § 33 takuuk.

Oqaasertaliussaq nutaajuvoq.”

Nr. 165.

Konto pingaarneq 31.03.20 Ineqarnermut tapiissutit

Oqaasertaliussat tulluittut siunnersuutigineqarput:

”Nukissiorfiit akigititaasa allanngortinneqarsinnaanerannut atatillugu, Naalakkersuisut inissiani attartortittakkani ineqarnermut tapiissutit pillugit Inatsisartut inatsisaanni nr. 23, 7. december 2015-meersumi § 4, imm. 1 aamma 2-mi aalajangersakkanik sanioqqutsisinnaanermut piginnaatinneqarput, taamaalilluni aalajangersakkat erseqqinnerusut malillugit innaallagissamut, imermut immaqalu kiassarnermut atuinnermut aningaasartuutit tamakkiisut ilaannakortulluunniit ineqarnermut tapiissuteqarfigineqarsinnaanerannik malittarisassanik erseqqinnersunik aalajangiisoqarsinnaalerluni.

Piginnaatitsissut taamaallaat ikiorsiinikkut, allaffissornikkut iluanaarutigullu aaqqissuussinerup kinguneqaatinik sioqqutsisumik qulaajaanermik misissuineramik ingerlatereernermi atorneqarsinnaavoq.

Piginnaatitsissummik atuineq Aningaasaqarnermut Akileraartarnermullu Ataatsimiititaliamit akuerineqassaaq.”

Konto pingaarneq 31.03.20 Ineqarnermut tapiissutit

Oqaasertaliussamut nassuiaatit tulluittut ivertinneqarnissaat qinnutigineqarpoq:

Ilanngussaq 2, oqaasertaliussat oqaasertaliussanullu nassuiaatit

”Inissiani attartortittakkani ineqarnermut tapiissutit pillugit Inatsisartut inatsisaanni § 4, imm. 1-2-mik Naalakkersuisut utaqqiisaasumik killilikkamillu sanioqqutsisinnaanernik piginnaatinneqarnissaat oqaasertaliussat siunertaraat. Aalajangersakkat taaneqartut ullumikkut ineqarnermut tapiissutit taamaallaat inissiamik attartornermut ikiorsiisoqarsinnaanngortitsillutik killiipput, atuinermullu atuinermilu akitsuutitut aningaasartuutitik tapiisinnaaneq pisinnaatinngu, tassani inaallagialaq, imeq kiassarnerlu ilanngullugit.

Piginnaatitsissummi tunuliaqut Nukissiorfiit aningaasaqarnikkut oqimaaqatigiissinneqarnissaannik suliami ingerlasumi, peqatigisaanillu akissaatikinnerusunut inuuniarnikkut kinguneqaatinut oqilisaassinissamik annertuumik tunuliaqutaqarpoq.

Oqaasertaliussaq utaqqiisaasumik killilimmillu sakkussatut, immikkut pisoqartillugu ineqarnermut tapiissutitik, inaallagissamut, imermut kiassarnermullu aningaasartuutitik ilaatitsisumik ineqarnermut tapiissuteqarsinnaanermik periarfissiissutut isigineqassaaq, tamanna Nukissiorfiit akigititaasa aqqigallernerit inoqutigiit ilaannut naapertuutinnngitsumik kinguneqarpata atuutissalluni.

Taamattaq oqaasertaliussat ineqarnermut tapiissutit pillugit inatsimmik nutaamik suliaqarnissamik ilimagineqartumut ataqatigiissillugu isigineqassaaq, tamannalu ataatsimut ineqarnermut aqqissuusseqqinnermut atatillugu suliarineqassasoq tunngavissaatinneqarpoq. Inatsisit 2027-mi atuutilerissaat siunertaralugu 2026-mi Inatsisartunut saqqummiunneqarnissaat naatsorsuutigineqarpoq.

Sioqqutsisumik ineqarnermik tapiissuteqarnermik aqqissuussinerup annertusisap ikiorsiisarnikkut, allaffissornikkut aningaasalersuinikkullu kinguneqaataanik qulaajaanermik suliaqarneq piginnaatitsissummut piumasaqaataavoq. Qulaajaanermik suliaqarnerup inernerit Naalakkersuisut piginnaatitsissummik atuinnissamik aalajangernissaat sioqqullugu Naalakkersuisunut saqqummiunneqassapput. Tamatumalu saniatigut Aningaasaqarnermut Akileraartarnermullu Ataatsimiititaliap suliniutaasinnaasunik akuersinissaa tunngavissaatinneqarpoq.

Piginnaatitsissut ingammik Nukissiorfinni aningaasaqarnikkut nalimmassaanernut innuttaasut ataatsimut ineqarnermut aningaasartuutaannik sunniisinnaasunut attuumatinneqarpoq. Aaqqissuussineq ineqarnermut tapiissuteqartarnermut inatsisit nutaat atuutilersinneqarnissaata tungaanut, inoqutigiinnut ulorianartorsiornerpaanut oqilisaanermik suliniutitut atorneqarsinnaavoq.

Taamaalilluni aaqqissuussaasinnaasoq inoqutigiinnut aningaasaqarnikkut ulorianartorsiornerpaaginnarnut iluaqutsiisussatut ilusilerneqassasoq, agguaassinissamullu isertitanut ineqarnermullu attuumasunik tunngavissanik pilersitsisoqarnissaa tunngavissaatinneqarpoq. Aaqqissuussinissami aamma innuttaasunut inissiani attartukkani najugaqanngitsunut, taamaammallu ineqarnermut tapiissutitik aaqqissuussinermik annertusisamik iluaqutserneqarsinnaanngitsunut suliniutitik isumaliutersorfiussaaq.

Maannakkuugallartoq 2026-mi aningaasartuuteqarnerunissaq naatsorsuutigineqanngilaq, qulaajaanermimmi suliaq aaqqissuussinermik atulersitsinnnginnermi naammassineqaaqartussaammat. Aaqqissuussinermik kingorna annertuliinermi soorunami aningaasartuuteqartoqassaaq, taakkulu qulaajaanermik suliaqarnissami misissuiffigineqassapput. Taamaattoq peqatigisaanik kontomi pingaarnermi aningaasaliissutit annertussusaat immikkut isummerfigineqassaaq. Apeqqummik tassannga naliliinermi aamma ineqarnermut tapiissutitut aningaasartuutit Namminersorlutik Oqartussat kommunillu akornanni 60/40-mik agguarneqarnissaat

Ilanngussaq 2, oqaasertaliussat oqaasertaliussanullu nassuiaatit

aamma ilanngunneqassaaq, taakkulu kingorna ukiumoortumik kommuninik ataatsimoortumik tapiissutinik isumaqatiginninniarni ilaatinneqassapput.

Oqaasertaliussakkut ineqarnermut tapiissutinik aaqquissuussinermik annertuliineq ingerlanneqassappat, taanna inatsisinut ilanngunneqartussaassaaq. Taamaammat piginnaatitsissutip atorineqarsinnaanerata ingiaqatigisaanik Inatsisartut piaarnerpaamik immikkoortumi inatsimmik allannguummik akuersinissaat siunertaralugu, inatsimmik piareersaalluni suliaqarneq aallartinneqassaaq.

Inuussutissarsiornermut, Aatsitassanut, Nukissiutinut, Inatsisit atuutsinneqarnerannut Naligiissitaanermullu Naalakkersuisoq – Suliassaqarfik 66-67

Nr. 166.

Konto pingaarnermut 67.01.19 Naartunaveersaatinik atuisitsineq pillugu suliaq

Oqaasertaliussat nr. 1-2 tulluuttut kontomut pingaarnermut uunga ivertinneqassasoq qinnutigineqarpoq. Oqaasertaliussat ivertinneqarnissaannut qinnuteqarnermut tunngavilersuutitut, oqaasertaliussanut ukununga nassuiaatit innersuussutigineqarput:

”Nr. 1.

Naalakkersuisut inunnut Kalaallit Nunaanni Peqqinnissaqarfimmit ullup 31. december 1991-ip kingorna akuersiteqqaarnagit naartunaveersaatinik atuisitsinermik nalaataqartunut, siusinnerusukkullu naartunaveersaasiisarnermik atuisitsineq pillugu suliami assigisaanilu ajunngitsorsitinneqarsimanngitsunut, piumassutsimik ajunngitsorsiaqartitsinissamik piginnaatinneqarput. Ajunngitsorsiaq arnamut ataatsimut 300.000 kr.-t tikillugit annertussuseqarpoq, inuillu toqoreersimasut ilaatinneqanngillat.

Ajunngitsorsiat aningaasartaat aningaasarsianit akileraarutit pillugit Inatsisartut inatsisaanni isertitanut akileraaruserneqartussaataasunut, tiguisulluunniit procenti aaqquissutissaq aamma maannakkorpiaq aningaasarsiat pillugit Inatsisartut inatsisaat malillugu inoqutigiinnut maannakkorpiaq isertitaannut ilanngullugit naatsorsuunneqassanngillat.

Ajunngitsorsiamik qinnuteqarneq sullissivik.gl-imi qarasaasiakkut immersugassiakkut atuinikkut imaluunniit qinnuteqaammik anillatsitamik immersukkamillu allakkatigut e-mailikkulluunniit nassitsinikkut pissaaq. Naalakkersuisoqarfik sukumiisumik nalileereermermi piumasaqaammik tassannga isiginianngissinnaavoq.

Oqaasertaliussat malillugit qinnuteqaatip suliarineqarsinnaanissaanut, qinnuteqartoq peqqinnissaqarfimmit paasissutissanik pisariaqartunik pissarsisinnaanermik suliarinnissinnaanermullu akuersissaaq. Taamaattoqanngippat ajunngitsorsitinneqarnissamut piumasaqaataasinnaasoq atorunnaassaaq.

Aalajangiinerit inaarutaasumik aalajangiinerupput allaffissornermilu oqartussamut allamut maalaarutigineqarsinnaanatik.

Nr. 2

Arnanut 1991-ip kingorna akuersiteqqaarnagit ilisimanngisaannilluunniit naartunaveersaaserneqarsimasunut ajunngitsorsiat pillugit suliami konto pingaarneq 67.01.09 Naartunaveersaatinik atuisitsineq pillugu suliamut siusinnerusukkut aningaasaliissutinik atorineqanngitsunik, suliat tamarmik ukiumi aningaasanut inatsiseqarfiusumi 2026-mi naammassineqannginnerannik pisoqarnerani 2027-mut nuussisinnaanermik Naalakkersuisut piginnaatinneqarput.

Tamatuma saniatigut kontomi pingaarnermi aningaasaliissutit apeqqutaatinngagit ajunngitsorsianik tunniussinnermi katillugit 5.000.000 kr.-t angullugit atuisoqarsinnaavoq. Aningaasat tassannga sippuissutaasut Aningaasaqarnermut Akileraartarnermullu Ataatsimiititaliamut akuerineqartussanngorlugit saqqummiunneqassapput.”

Kontomut pingaarnermut 67.01.19 Naartunaveersaatinik atuisitsineq pillugu suliaq nassuiaatit

Oqaasertaliussamut nassuiaatit tulluuttut ivertinneqarnissaat qinnutigineqarpoq:

”Nr. 1-imut.

Arnanut 1991-ip kingorna akuersiteqqaarnagit ilisimanngisaannilluunniit naartunaveersaaserneqarsimasunut, naartunaveersaatinik atuisitsineq pillugu suliami suliniummut pilersaarummik suliaqartoqarpoq.

Arnanut 1991-ip kingorna akuersiteqqaarnagit ilisimanngisaannilluunniit naartunaveersaaserneqarsimasunut aningaasanik ajunngitsorsiasanik neqerooruteqarnissaq siunertaavoq. Tassa arnat peqqinnissaqarfimmik ulloq 1. januar 1992-p kingorna tiguserup kingorna akuersitinneqaaqqarnatik naartunaveersaaserneqarsimasut suliami siunnerfigineqarput.

Matumani ”akuersiteqqaarnagit” arnanik assersuutigalugu pilataanikkut naartuersinnerup kingorna sioqqutsisumik tamatumanna nakorsamik sulisumilluunniit allamik oqaloqatiginninnikkut akuersinnermik pisoqarsimatinnagu, spiralilernerqarsimanerminnik paasisaqartut namminneerlutilluunniit paasinnittuni pisut pineqarput.

Aallaavittut spiralinik naartunaveersaatit, Depo-Proveramik (P-sprøjte) kapitinnerit, P-stavit naartusinnaajunnaartinneqarnerilluunniit tulluuttut pineqarput, periutsinilli allamik nalunaaruteqartoqarsinnaavoq suliarineqarsinnaasunik.

Pisunik nalunaarutiginninnerit

Arnat pisunik nalunaarutiginninnissamut periarfissinneqassapput Sullissivik.gl-imilu qarasaasiakktut nutaamik nalunaaruteqarnissamik periarfissaq aqutitigalugu ajunngitsorsitinneqarnissamik qinnuteqarsinnaassapput. Aammattaaq allakkatigut e-mailikkulluunniit immersugassiamik immersorneqarsimasumik nassitsinikkut qinnuteqartoqarsinnaavoq. Tamanna pisinnaavoq

Qinnuteqarsinnaanermut periarfissaq aallaqqaammut 2025-p naanerata tungaanut ammatinneqarpoq. Qinnuteqaatit nassiunneqaraangata suliami paasissutissiineq aallartinneqartarpoq, tassani pisariaqanngitsumik kinguarsaanani journalinik katersinnerit ilanngullugit.

Ilanngussaq 2, oqaasertaliussat oqaasertaliussanullu nassuiaatit

Qinnuteqaatit tiguneqaraangata sapinngisamik piaarnerpaamik suliamik suliarinninneq aallartittarpoq. Suliani nalunaarutigineqartuni journalinillu atortussiat pissarsiariniarneqartuni aalajangiisoqartassaaq. Suliat paasissutissanik attuumassuteqartunik imaqaraangasa peqqinnissaqarfimmillu Nationalarkivimillu journalinut atortussianik pissarsiniarnissamut akuersissutit pigineqaraangata, suliap imarisai aallaavigalugit ingerlaannartumik suliarineqartassapput. Qinnuteqaatit amigaraangata paasissutissanik pisariaqartunik pissarsinissaq siunertaralugu innuttaasumut saaffiginnittoqartassaaq. Periuseq taanna sapinngisamik suliani tamani aalajangiisarnermi periutsit assigiiaartuunissaasa qulakkeerniarnissaa pillugu toqqarneqarpoq. Inatsisitigut isumannaatsuunissamik patsiseqartumik suliani uppersaatit pisullu aalajangersimasut assigiinngiaartorujussuunissaasa ilimagineqarnera pingaarutilittut nalilerneqarpoq.

Suliamik ingerlatsinerit Inuussutissarsiornermut, Aatsitassanut, Nukissiutinut, Inatsisit atuutinneqarnerannut Naligiissitaanermullu Naalakkersuisoqarfimmi avataanit suleqatigiinnik inatsisilerituumik ataatsimik, inummik peqqinnissaqarfimmi ilinniagalimmik immikkoortumi ilisimasalimmik suliamillu suliarinnittumik attaviliisoqassaaq. Pisariaqartitsisoqarneranik naliliisoqassappat allamik immikkut ilisimasalimmik, soorlu immikkut kingunerlutsitsinermik ilisimasalimmik attaviliisoqassaaq. Ilaasortat naalakkersuisoqarfinit attuumassuteqartuneersunit naalakkersuisoqarfini pisortanit toqqarneqassapput. Suliamik ingerlatsineq aningaasaliissutinit matussuserneqassaaq. Naalakkersuisoqarfik peqqinnissaqarfimmi ilinniakkatigut naliliinissamut kiisalu journalinik Peqqinnissamut Inunnullu Innarluutilinnut Naalakkersuisoqarfimmi inissimasuniittunik pissarsiniarnermik ataqatigiissaarinermik piginnaasaqanngilaq. Suleqatigiit avataanneersut journalinik suliamik ingerlatsinermut attuumasunik pissarsisinnaanerat qulakkeerneqassaaq.

Suleqatigiit qinnuteqaatinik suliarinnereerpata, ajunngitsorsititsinissamullu inassuteqartoqarsinnaaneranik innersuussisoqarsinnaaneq nalilerneqarpat, taava tamanna suliamik ingerlatsinerup pisortani ingerlatsinermi malittarisassanik periutsinillu eqqortumik ingerlatsisoqarnera, suliamilu aalajangiisinnaanermut pisariaqartunik toqqammaveqartoqarnera nalilerneqarsinnaaqqullugu eqqartuussissuserisumut avataaneersumut suliaq saqqummiunneqassaaq. Suliaq suleqatigiinnut utertinneqassaaq, taakkulu suliami inaarutaasumik aalajangiissapput innuttaasullu paasitinneqarnissaa qulakkiissavaat ajunngitsorsianillu akiliineq aallartillugu.

Ajunngitsorsiamik qinnuiginninneq maalaarummik imaqarpat, taanna maalaaruteqartarnermi aalajangersakkat nalinginnaasut malillugit suliarineqassaaq, taamaammallu inatsimmi pisoqalisoornermut killiliussanik aalajangersakkanut ilaatinneqassalluni.

Arnat tamarmik annertunerpaamik 300.000 kr.-nik ajunngitsorsisinnaapput.

Ajunngitsorsiaqartinneqarnissamik angusaqarnissaq sinertaralugu arnat qanoq amerlatigisut sunik nalunaaruteqarumaarnerannik nalornissuteqarneq pissutigalugu, naartunaveersaatini atuisitsineq pillugu suliami inaarutaasumik aningaasatigut kinguneqaatit naatsorsorneqarsinnaanngillat.

Kontomi pingaarnermi 67.01.19 Naartunaveersaatini atuisitsineq pillugu suliaq qinnuteqaatinik suliarinninnermi arnanullu peqqinnissaqarfiup 1. januar 1992-mi tiguneqarnerata kingorna akuersiteqqaarnagit ilisimanngisaannilluunniit naartunaveersaaserneqarsimasunut qinnuteqaatit

Ilanngussaq 2, oqaasertaliussat oqaasertaliussanullu nassuiaatit

suliarinissaannut ajunngitsorsianillu akiliinissamut kiisalu sulianik suliarinninnermut attuumasunut aningaasartuutit tamarmik (aningaasartuutillu avitseqataaffiusut) aningaasartuutigineqassapput.

Kontomi pingaarnermi aningaasaliissutit apeqqutaatinnagit aningaasat katillugit 5.000.000 kr.-t atorneqarsinnaapput. Suli at amerlassusiisa ilisimasaqarfigilernerat ilutigalugu, ataatsimut ajunngitsorsiassanik taakkunannga annertunerusunik akiliuteqartoqarnissaanut pisariaqartitsineq ilimanaatilittut isigineqarpat, tassunga aningaasartuutaajumaartussat atuinissaq sioqqullugu Aningaasaqarnermut Akileraartarnermullu Ataatsimiititaliamut akuerineqartussanngorlugit saqqummiunneqassapput.

Toqqammavik

Aaqqissuussineq manna sulianut allanut toqqammaviusinnaasutut nalilerneqanngilaq, aningaasartuuteqarnermi Naalakkersuisunit aalajangerneqartoq Aningaasaqarnermullu Akileraartarnermullu Ataatsimiititaliamit akuerineqartoq, aningaasartuuteqarneq sioqqutsisumik aningaasaliissutinik toqqammaveqarnissamik piumasaqaammik aallaavimmut immikkut iliornerummat.

Taamattaaq arnanut akuersiteqqaarnagit spiralilerneqarsimasunut Europarådip Inuit pisinnaatitaaffii (EMRK) kiisalu Naligiissitaaneq assigiinngisitsinnnginnissarlu pillugit Inatsisartut inatsisaanni § 4 tunuliaqutarlugit ajunngitsorsititsinissamik inassuteqaatikkut immikkoortitsisoqannginnera ilanngullugu nalilerneqarpoq.

Oqaasertaliussaq nutaajuvoq.

Nr. 2.

Oqaasertaliussap Naalakkersuisut ukiut aningaasanut inatsiseqarfiusut akimorlugit aningaasaliissutinik naapertuunnerusumik atuisinnaaneq qulakkeerniarlugu, aningaasanik nuutsisinnaanannerannik toqqammaveqarnerannik qulakkeerinnippoq.

Aningaasaqarnermut Akileraartarnermullu Ataatsimiititaliap 2025-mi siunertamut sinaakkutaagallartunik 4,5 mio. kr.-nik immikkoortitsisimaneranut ataqatigiisillugu isineqassaaq. Aningaasat taakku ilaat atorneqanngitsut taamaalillutik 2026-mi 2027-milu atorneqarsinnaapput, tak. ataatsimiititaliap aalajangernera 25/001137.

Oqaasertaliussaq nutaajuvoq.”